

## Universitätsbibliothek Paderborn

**D. Ioannis Ivsti Lanspergii Carthviani, Natione Bavari,  
Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam  
Virginem Mariam, cæterosq[ue] Sanctos - exercitijs item diuersis, tum  
maximè Paßionis Dominicæ, eiusq[ue] matris, refertißimus

**Landsberg, Johannes Justus**

**Coloniae Agrippinae, 1630**

Quu[m] improperiu[m] irrogatur aut iniuria.

[urn:nbn:de:hbz:466:1-45928](https://nbn-resolving.de/urn:nbn:de:hbz:466:1-45928)

mortem, ego quoque me tibi resigno ac offero ad quæcunque quæ tu me vis pati, quomodo & quamdiu tibi placuerit me tentari. Scis enim misericordissime Iesu, quam nulla est virtus mea, & quam magna instabilitas, prauitas & infirmitas mea ideo in te solo confido, & de viribus meis despero. Domine Deus meus, in misericordia tua suscipe me, & in virtute tua custodi me, in gratia tua protege & confirma me, ut omnia aduersa, omnia tentamenta, tam interna quam externa ita sustineam, ita vincam, & in illis tam fortis, tam patiens, tamq; fidelis tibi in hæreā, ut ad mortem usque nulli peccato consentiam, nullam coniolationem extra te requirā, nullamq; recipiam; ut omnis tentatio tuam mihi augeat gratiam, & nulla sit ad ruinam.

Ah amantissime Domine Iesu Christe, utinam ita essem à vitijs & præteritis meis delictis ac peccatis expurgatus, ita tuis diuinis virtutibus exornatus, atque usque a deo in omnibus animæ meæ viribus reformatus, lumineq; gratiæ tuæ circumfusus, ut in omnibus his sordidis, immundis ac fecidissimis daemonum carnisq; propriæ impugnationibus tuam diuinissimam atq; amabilissimam possem inuenire voluntatem, tamq; profundè coram te summo Angelorum regē me humiliare & annihilare, tuamq; summam amplissimam excellentissimamq; Majestatem ad me inclinare, ut omnis hæc immunda impugnatio non solum non obesser, sed multo magis in gratia tua confirmarer, corroboraret consolidaretq; Amen.

*Quando sentis aduersitatem tibi imminere aliquam, preparate flectendo genua, aut quomodo potes, & dic humiliter in feruore spiritus.*

**D**ulcissime Domine Iesu Christe, in unione illius charitatis qua te ipsum obulisti in mortem, offero tibi cor meum, ut de me & per me fiat beneplacitum tuum.

Dulcis Iesu, hoc beneplacitum tuum eligo & desidero (quantalibet instanti aduersa) & me totum sanctissime fidelissimæ prouidentiæ tuæ committo. Spero enim & rogo ut me & omnia quæ circa me sunt tu dirigas ad gloriam tuam, & animæ meæ salutem, Amen.

*Quam improperium irrogatur aut iniuria, dicio.*

**B**enedictus es Domine Deus meus quia tibi soli debetur omnis honor, mihi nil nisi ignominia. Quapropter in tui amore dulcissime Iesu, & in unione impræriorum tuorum, volo hanc, quia dignus sum, aduersitatem sustinere, & per eorum mansuetissimum tibi offero, Amen.

*Resignatio alia ad sustinendam iniuriam aut aliquam pressuram.*

**O**Iesu amabilissime, mitissime, ac patientissime, in unione omnium aduersitatum, peccarum & opprobiorum, quæ tu innocentissime passus es pro me, volo hæc molesta, aut hanc pressuram (licet modica sit) pati etiam pro te, id est, pro tui amore, & quia tibi sic placet. Dignus enim sum omnibus malis, & multo grauiora commerui. Hæc igitur quæ patior, offero tibi per mitissimum cor tuum, ut tu quoque illa tibi unita pro me offeras Patri tuo in amore illo quo ipsum diligis.

O dulcis Iesu, da mihi perfectissimam patientiam, mititatem, benignitatem, & veram humilitatem, ut omni contemptu & prenäm dignum ex animo cognoscā, cuncta quæ super me veniunt mala patientissimo atq; deliderantissimo corde sacrificiam,

